



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՄԵԾԱՄՈՐ ՀԱՄԱՅՆՔԻ ՂԵԿՎԱՐ

Արմավիրի մարզ, Մեծամոր քաղաք, Վարչական կենտրոն, 2.4, Հեռ. 060900303,  
info.metsamor@mta.gov.am

N 01890

22 ապրիլ 2026 թ.

**Ա/Ձ ԱՇՈՏ ԱՆՏՈՆՅԱՆ  
ՏՆՕՐԵՆ ԱՇՈՏ ԱՆՏՈՆՅԱՆԻՆ**

Հարգելի՛ պարոն Անտոնյան,

Մեծամորի համայնքապետարանի և Ա/Ձ «Աշոտ Անտոնյան»-ի միջև 2026 թվականի ապրիլի 14-ին կնքված թիվ ՀՀԱՄՄՀ-ԳՀԾՁԲ-26/33 ծածկագրով ծառայության մատուցման պետական գնման պայմանագրի (այսուհետ՝ Պայմանագիր) շրջանակներում 2026 թվականի ապրիլի 20-ին ստացվել է Ձեր կողմից Մեծամորի համայնքապետարանի ղեկավարին ուղղված գրությունը, որով հայտնել եք, որ ֆինանսական խնդիրների պատճառով ցանկանում եք լուծել Ձեր և Մեծամորի համայնքապետարանի միջև կնքված պայմանագիրը: Նաև խնդրել եք նախաձեռնել համապատասխան գործընթացը՝ ապահովելով պայմանագրի լուծումը սահմանված կարգով և պայմաններով:

Պայմանագրի 1.1 կետի համաձայն՝ Պատվիրատուն հանձնարարում է, իսկ Կատարողը ստանձնում է ծառայությունների մատուցման պարտավորությունը (այսուհետ՝ ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների,

Պայմանագրի 1.2 կետի համաձայն՝ Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

Պայմանագրի 2.1.3 կետի համաձայն՝ Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

Պայմանագրի 5.1.-րդ կետի համաձայն՝ Կատարողը պատասխանատվություն է կրում ծառայության՝ պայմանագրի պահանջների պահպանման համար:

Ղեկավարվելով Պայմանագրի վերը նշված կետերով և հաշվի առնելով այն հանգամանքը, որ հրաժարվել էք պայմանագրային պարտավորությունները կատարելուց, ուստի դրանով պայմանավորված 2026 թվականի ապրիլի 22-ից Մեծամորի համայնքապետարանի կողմից Պայմանագիրը միակողմանի մասնակի լուծվել է:

Պայմանագիր կնքելիս Ա/Ձ «Աշոտ Անտոնյան»-ի կողմից ներկայացվել է որակավորման և պայմանագրի կատարման ապահովումներ՝ միակողմանի հաստատված տուժանքի համաձայնագրերի տեսքով:

Հիմք ընդունելով այն հանգամանքը, որ Պայմանագիրը միակողմանի մասնակի լուծվել է, ուստի պետք է ապահովվի որակավորման ապահովման՝ 885,000.00 (ութե հարյուր ութսունհինգ հազար) ՀՀ դրամի և պայմանագրի կատարման ապահովման՝ 700,000.00 (յոթ հարյուր հազար) ՀՀ դրամի փոխանցումը Մեծամորի համայնքապետարանի 900335239373 հաշվեհամարին, որի վերաբերյալ տեղեկացվել է նաև Ձեր կազմակերպությանը սպասարկող «ԿՈՆՎԵՐՍԻԱԿ» ՓԲԸ-ն, ուստի խնդրում ենք ապահովել վերոնշյալ գումարների փոխանցման իրականացումը:

Միաժամանակ հայտնում ենք, որ վերոնշյալ գանձումների անհնարին լինելու դեպքում Մեծամորի համայնքապետարանը այդ հանգամանքի վերաբերյալ տեղեկատվությունը՝ համապատասխան պատճառաբանված որոշմամբ, տրամադրելու է ՀՀ ֆինանսների նախարարությանը՝ «Գնումների մասին» ՀՀ օրենքի 6-րդ հոդվածի 2-րդ մասով սահմանված պահանջները կիրառելու նպատակով:

Հարգանքով՝

ՀԱՄԱՅՆՔԻ ՂԵԿԱՎԱՐ



Է. ՀՈՎՀԱՆՆԻՍՅԱՆ